

Mensahe 10

Si David, si Mepiboseth, ug ang Kalulot sa Dios

Basahong Kasulatan: 2 Sam. 9:1-13; Rom. 2:4;
Efe. 2:7; 4:32; Tito 3:4-5; Col. 3:12

I. Rekord ang 2 Samuel 9:1-13 sa pagpakita ni David og kalulot kang Mepiboseth, nga anak nga lalaki ni Jonatan:

- A. Naobligar si David sa pagpakitag kalulot, tungod ug alang ni Jonatan, sa nabilin nga kaliwat sa balay ni Saul ug gipangutana ang sulugoon sa balay niini, nga niingon, “Naa pa bay tawo sa balay ni Saul, aron makapakita ko kaniya sa kalulot sa Dios?”—v. 3a.
- B. Gisultian sa sulugoon si David nga naa pay anak nga lalaki ni Jonatan, si Mepiboseth, nga bakol ang mga tiil—v. 3b.
- C. Gisultian ni David si Mepiboseth nga magpakita siyag kalulot kaniya tungod ug alang ni Jonatan nga iyang amahan ug nisaad siya ni Mepiboseth nga iuli niya kaniya ang tanang yuta sa iyang apohan ug nga magkaon siya kanunay diha sa talad sa hari—vv. 7, 13.
- D. Gipreserba ni haring David ang iyang kinabuhi, giuli kaniya ang tanan niyang panulundon, ug gidapit siya nga magkombira uban niya sa mao ra nga talad—vv. 7, 9.
- E. Gihatag ni David ni Mepiboseth ang tanang iya ni Saul ug sa tibuok niyang balay; nagkaon kanunay si Mepiboseth diha sa talad sa hari; ug “bakol ang duha niya ka tiil”—vv. 9, 13.

II. Walay kapasikaran nga makadawat og grasya si Mepiboseth, apan nadawat niya kini; tinuod sab kini kalabot nato ug sa Dios:

- A. Wala gyoy posisyon si Mepiboseth atubangan ni David—vv. 1-6:
 - 1. Nakadawat siyag kalulot dili tungod niya mismo kondili tungod sa laing tawo—v. 7.
 - 2. Tinuod kini alang sa makasasala atubangan sa Dios—Rom. 3:4.
- B. Ang *Lo-debar*, nga dapit nga gipuy-an ni Mepiboseth, Hebreohanong pulong nga nagpasabot og “dapit nga walay balili, walay sibsibanan”; “Lo-debar” ang kalibotan karon—2 Sam. 9:4:
 - 1. Si Mepiboseth, nga nikalagiw gikan ni David, nagpuyo sa dapit nga walay balili, wala gyoy sangkap sa kinabuhi—v. 4.
 - 2. Ang makasasalang nalayo sa Dios nagpuyo sab sa dapit nga walay balili.
- C. Wala magtinguha ni David si Mepiboseth, apan nagpadala si David og mga tawo aron kuhaon si Mepiboseth—vv. 4-5.
- D. Sa pag-ingon ni David og, “Mepiboseth,” dunay mapuangorong pagbati sa iyang kasingkasing, ug maabiabihon ang iyang tingog—vv. 6-7:
 - 1. Ning pulonga naay kasingkasing nga nagpadayag sa kasingkasing sa Dios—1 Sam. 16:7.
 - 2. Tugob sa kalulot ug puangod ang kasingkasing ni David—20:14-15.

III. Sa espirituhanong bahin, sama tang tanan ni Mepiboseth, sa apo ni Haring Saul (2 Sam. 4:4), nga bakol og mga tiil:

- A. Bisan kanunayng nagkaon si Mepiboseth uban sa hari, bakol gihapon ang iyang duha ka tiil—9:7.

Mensahe 10 (sumpay)

- B. Sa nadawat na ni Mepiboseth ang grasya gikan ni David, ang kadato ra diha sa talad ni David ang gitan-aw niya; wala siya motan-aw sa bakol nga mga tiil niya ilalom sa talad.
- C. Sama ni Mepiboseth, makakaon ta sa may talad sa Hari bisan mga bakol pa gihapon ta—v. 13:
 - 1. Bakol ang duha nato ka tiil, apan naa kini *ilalom sa talad*.
 - 2. Sa naluwas na ta, kalimtan gyod nato ang atong “bakol nga mga tiil” ug molingkod sa may talad sa atong Hari, nga si Jesucristo, aron magpahimulos Niya—v. 7; Rom. 14:17; Neh. 8:10:
 - a. Motan-aw ngani ta sa atong kaugalingon, madiskobrehan nato nga bakol ta, ug maluya ta—itandi sa A. S. 2:8—3:5.
 - b. Motan-aw ra gyod ta sa kadato nga naa sa talad sa Ginoo ug magpahimulos niini—Efe. 3:8.
 - 3. Matahom kaayo, dato, ug tam-is ang gidalit sa Dios kanato; mokaon ra gyod ta niini—Juan 6:50-51, 53-57; Mat. 8:11; 22:2; Bug. 19:9.
- D. Mobyia gyod ta sa pagsusi-sa-kaugalingon ug motutok sa Ginoo—Heb. 12:2; 2:9.
- E. Kon motutok ra ta sa kadato ug sa grasya nga gidalit sa Dios sa atong atubangan, magmalinawon ta, ug matagbaw ang atong kasingkasing—Mat. 5:6; 14:20.

**IV. Nagtimaan sa kalulot sa Dios ang kalulot ni David kang Mepiboseth—
2 Sam. 9:3; Rom. 2:4; Efe. 2:7; Tito 3:4-5:**

- A. Ang kalulot pagkamaayo nga gikan sa kaluoy ug paghigugma sa Dios—Efe. 2:4, 7.
- B. Ang kalulot ug gugma sa atong Manluluwas nga Dios ang nagluwas nato ug naghimo natong lahi sa uban—Tito 3:4:
 - 1. Nagdalag kaluwasan sa tawo ang grasya sa Dios; giluwat ta sa grasya sa Ginoo—2:11; 3:7.
 - 2. Niingon ang Tito 3:5 nga sumala sa kaluoy sa Dios giluwat ta Niya:
 - a. Mas layog maabot ang kaluoy sa Dios kaysa Iyang grasya—Rom. 9:15-16, 18, 23; Heb. 4:16.
 - b. Nagpalayo nato pag-ayo sa grasya sa Dios ang makaluluoyng kahimtang nato.
 - c. Ang kaluoy sa Dios maoy nagpaduol ug nagdala nato sa kaluwasan sa Iyang grasya—Rom. 2:4; 9:23.
 - 3. Sa Tito 3:4 ug 5 wala maghisgot si Pablo sa grasya kondili sa kalulot, gugma, ug kaluoy:
 - a. Ang gugma maoy tinubdan sa grasya; sa 1 Juan matandog nato ang gugma sa Dios Amahan nga tinubdan sa grasya—3:1; 4:9-10.
 - b. Sa kasingkasing sa Dios Amahan naay gugma; mapadayag na ngani kining gugmaha pinaagi sa Anak, mahimo kining grasya—Juan 1:14, 16-17.
 - c. Ang kalulot maoy tinagdan sa Dios sa paghatag og grasya kanato—Efe. 2:7.
 - d. Maato ngani ang kaluoy, gugma, ug kalulot, awtomatikong maato ang grasya—Tito 3:4-5, 7.
 - e. Gipakitaan ta sa atong Dios ug Amahan og gugma, kaluoy, ug kalulot; pinaagi niini giluwat ta Niya—vv. 4-5.
- C. Sa kapanahonang moabot—sa kapanahonan sa millennium ug sa umalabot nga eternidad—ipasundayag sa Dios “ang labaw gyod nga kadato sa Iyang grasya diha sa kalulot nganhi nato diha ni Cristo Jesus”—Efe. 2:7:

UNA UG IKADUHANG SAMUEL

Mensahe 10 (sumpay)

1. Diha man sa kalulot sa Dios nga gihatag kanato ang grasya Niya—v. 8.
 2. Nilabaw sa tanang limitasyon ang kadato sa grasya sa Dios diha sa Iyang kalulot—v. 7:
 - a. Kini ang kadato sa Dios mismo nga mapahimuslan nato—3:8.
 - b. Ipasundayag ngadto sa tanan sa eternidad ang kadato sa grasya sa Dios diha sa kalulot—2:7.
- D. Usa sa bunga sa Espiritu ang kalulot—Gal. 5:22:
1. Kay gisul-ob na man ang bag-ong tawo (Col. 3:10), ingon nga mga pinili sa Dios, mga balaan ug mga hinigugma, isul-ob gyod nato ang sulodnong mga bahin nga puangod ug kalulot (v. 12).
 2. Ministro sa Dios diha sa kalulot si apostol Pablo, ug gisugo ta niya nga magpadayon diha sa kalulot sa Dios—2 Cor. 6:4, 6; Rom. 11:22.
 3. Malulot ang gugma (1 Cor. 13:4), ug magmalulot gyod ta sa usag usa, magmalumog kasingkasing, magpinasayloay sa usag usa, maingon nga gipasaylo sab ta sa Dios diha ni Cristo (Efe. 4:32).